

~~48843.52973.~~ A D Raban. Christiani.

NOBILISSI. ET

PRÆSTANTISSIMVM Dñ VINCENTIVM RIGEMANNVM, patricium Rigensem,
amicum suum & fautorem,
SPONSVM

Gratulatoria.

Non hoc agam, Vincenti sponse, ut
hac mea gratulatiuncula quidquam splen-
doris & ornamenti familijs vestris accedat. Ut enim
utraq; & spōsæ tuæ dilectissimæ & tua prosapia hacte-
nus, ita & in posterum satis per se sufficiet ad sui com-
mendationem & gloriam. Tum quod is non sum,
qui id pro dignitate & quâ decet elegantiâ, vel per æ-
tatem, vel propter ingenij imbecillitatem tractando,
in primis quod desiderio doctorum virorum respon-
deat, assequi queam: vulgum verò & qui à vulgi sunt
partibus, neq; ego, neq; tu magni facimus.

Ut verò intelligas, quam mihi humanitas tua, &
qui tanquam eius condimentum sunt, suauissimi tui
mores probentur, & quæ inde suam traxit originem,
quæ mihi de amicitia nostra gratuler, summa re-
rum fastigia secuturus, paucis de illis dicam.

Lætor verò, quod istis annis eam vitam degendam elegisti, quam ipse nobis clementissimus pater in suis de sacra scriptura oraculis seuerissimè præcepit. In coniugio nimirum viues, & istud viuendi genus insistes, quo haud scio, an præstantius sit & nobilior: an admirabilius & magis necessarium: an verò etiam sit utilius & jucundius, æquè.

Si quis enim omnes humanæ vitæ partes considerauerit & totum naturæ ordinem & cursum, naturæque siue Dei potius opera omnia perspexerit, non inueniat, quod maris & fæminæ copulationi castæ & à Deo institutæ conferatur, non dicam, anteferatur.

Nec eo inficias id genus opera plurima Deum ordinasse, quæ quisque meritò admiretur & stupescat. Quis enim mortalium suam ipsius animam, quam Philosophus ητελέχειν actum scil: primum vocat: quis eius operationem & ηπηγαν actum secundum: quis quomodo fiat reminiscencia, quomodo cogitatio in mente, quomodo formatio vocis articulatæ penitus inquirendo, non stupenda omnia existimet?

Nec solis motus admiratione dignus non est, dum calore suo & luce efficit, ut terra nobis protrudat, quibus vitam sustentemus, flauam videlicet Cererem, dulcem & amabilem Bachum, (ut his verbis pleraq; illa cum poëtis complectar) ne iterum glandibus ves-

ci cogamur: Tamen si etiam has sua ille fœcunditate proferat.

Sed coniugium, in quo procreantur homines vivi, ad imaginem Archetypi conditi, filij & filiæ Dei, fratres & torores I E S V C H R I S T I: Domini verò cæterorum animantium omnium, nec qui cum illis occidunt, sed cum Patre suo & Fratre suo, & qui ex utroq; hoc ab æterno processit, Spiritu sancto, in societate Cherubin & Seraphin perpetuam agant & immortalem vitam: Hoc, inquam, coniugij opus cætera omnia & præstantiâ & nobilitate & admiratione facile superat.

Nunc verò adeò operosum non est, etiam reliqua demonstrare. Namque si neq; Ecclesia Christi esse & augeri, neque regna & politiæ stabiliri & durare possunt sine conseruatione coniugij & eius adminiculo: scholæ verò etiam prorsus intercidunt, qua fronte quis negabit, coniugium humanæ societati non esse summè necessarium & maximè utile.

Sed nec suis caret delicijs coniugalibus illa conuersatio: Licet vix aut ne vix quidem vlli hominum ordinis magis insidietur Diabolus; non ignorans omnem exinde totius humanæ vitæ salutem pendere: Quam si planè tollat, vel interturbet saltem, multum ille Ecclesiæ Christi incommodauerit: suo autem regno ex incestu, ex adulterio, ex scortatione & qua-

D/329831

ci

B 3

cun-

cunque aliâ libidine magnam accessionem fecerit.
Quod si verò hac illi via non procedit, aliâ aggreditur: molitur ingens morborum agmen, minatur febrim, grassatur peste: impellit mortem, vt, si qui bēnē nati sint beneq; educti, eos ruat, rapiat, extinguat. AEolum (liceat ita mihi de hoc nugatore, poëtarum figmentis vti) stimulat, vt mari tempestatibus & procœllis fluctuum sursum ac deorsum nauem motantibus, eos, qui in naui sunt, aquis suffocet.

Mortem cogit, vt quantum possit, pro patria & gloria Christi piè honesteq; pugnantes, interimat: Erinyes suas & Eumenides ex Orco emitit, vt virus illæ suum suauissimo & fragantissimo concordia nectari misceant, vt maritus vxori, vxor marito: pater filio, filius parenti: amicus amico, ciuis ciui insidias vitæ lalutisque struat. Hæc ideò facit omnia nequam spiritus, vt hunc sanctissimum D E I ordinem cuique exosum reddat, quo impetrato, facile ille & nullo labore omnes reliquos ordines, huic vni & soli innitentes, in vnum quasi Oceanum siue chaos illud rude & indigestum involueret.

An verò tu vllam in hac vita voluptatem & iucunditatem cum coniugali ista coniunctione tum animi corporis conferes? Si domi agis, inquit ille, adest quæ solitudinis tædium depellat: si foris, est quæ discedentem osculo prosequatur, absentem desideret, re-deun-

deuntem læta excipiat: dulcis juventæ sodalis, gratum senectutis solatum: rebus lætis gaudium tibi duplicat, ægritudinem aduersis eximit vel certè imminuit.

Sed quoq; liberos progignere, in quibus quasi post mortem reuiiscas, mortuus renascaris: quos florete patriæ que seruire superstes videas: quibus hæreditibus æternæ vitæ in cœlesti illa piorum consuetudine adiungaris, pater filio, mater fliæ, siue vtrique vtrisq;, anne hoc tibi volupe est, anne iucundum?

Ethnici saniores, cœlestium rerum inscij tamen, felices prædicarunt, qui sancto coniugij fædere se deuinxiſſent. Eos allegare non libet: exemplis etiam supersedebo. Vnum ex diuino Horatio scitum proferam, quod ita habet:

Felices ter amplius

Quos irrupta tenet copula, nec malis

Diuulos querimonij

Supremâ citius soluet amor die.

Vides igitur, Vincenri sponse, te & D E O gratum & Ecclesiæ salutarem totiq; hominum societati utilissimum maximeq; necessarium vitæ tenorem delegisse, & cur ego meritò, vti amicum decet, non possim non lætari: potissimum verò, si consideremus vterq; qui cum eum ineas.

Ducis nimirum vxorem, virginem à primis annis in pietate & timore D E I liberaliter eleganterq; educatam

catam, pudicitiae item & castitatis dotibus apprime
ornatam, nec non bonis honestisq; moribus præditū.

Sed nec, quod tu fortassis caput esse putas, fucata
formâ; nec vulgari, nec quotidiana, nec mediocri, sed
elegantissima prorsus præstantissimaque, & quasi la-
ete & sanguine diffusa facie: habitu etiam totius cor-
poris convenientissimo, vt ausim dicere, ipsum Par-
dem, si is adhuc in viuis sit, hanc tuam Elisabetham
suæ Helenæ, multis quidem poëtarnm laudibus ce-
lebratam, præferre tamen non esse dubitaturum: Et
te illum Regem tibi nobili ciui riualem habiturum.

Dote quoq; egregia ad te veniet: Etiamsi tu id in
postremis ponis, non vt illi, qui lucro inhiantes ani-
mi bona, id est, virtutem, & non raro etiam corporis,
nescij & inexperti, quantum inter alia in valetudo in-
commodū sit, bonis fortunę sine ratione postponunt.

At si splendorem generis & antiquitatem eius, ex
quo illa virgo tua prodiit, non nihil intueri voles, no-
bile illud & multis retrò annis non obscurum fuisse
inuenias. Nec tamen ego rem à capite arcessam: Di-
cam tantum, idque paucis, de sponsa tuæ patre: Tu,
si lubet, superius ascendes, & si quæ illius ignoras, in-
dagabis.

Is igitur tuus sacer ex nobili gente Canniorum
in comitatu Höiano cis Visurgim legitimè oriundus,
patrem habuit nobilem Mauritium Cannum: Ma-
trem

erem itidem nobilem Catharinam ab Horst ex co-
mitatu Diepholt: Fratres, Hermannum & Albrech-
tum Cannios. Hi tres quantum Comiti suo & pacis
& belli tempore profuerint, quibus suam illi virtuti-
bus nobilitatem exeruerint & quam ab eo gratiam
inuinerint, id hinc non inseram, cum dudum consigna-
tum sit literis.

Hic verò tuus sacer, hoc præ fratribus suis singula-
re habuit, quod ille in Musarum castris militatus,
domi residere & adfixus suæ terræ esse noluit, sed acri
quadam discendi cupidine puer Lubecam propera-
uit, adolescens Brunsvigam: Iuuenis autem ad vbe-
riorem ingenij cultum capessendum Academiam le-
nensem accessit: hinc Erfordiam venit: deniq; Ro-
stockium rediit & non vulgariter in bonis literis et
Iurisconsultorum legibus profecit.

Sed nec dum quidem anima illius diuinior ista li-
beralium artium cognitione contenta, cœlum imita-
ta sine ullo viarum fastidio, maximis sumptibus, va-
rias nationes lustrauit, multorumq; principum aulas
& respub insigniores non tantum adiit, sed in illis et-
iam iudicium suum confirmauit, elegantiq; morum
suavitate, sine qua reliqua torpent omnia, omniq;
gratia carent, oppidò se expoliuit.

Audiuerat enim sape ex suis præceptoribus varia
C gen-

gentium instituta, & ritus moresq; hominum cognoscisse, ad iudicium & morum decentiam plurimum facere. Nec latebat ipsum Homeri istud de causa Vlyssæ prudentiae: sic verò de illo πολυτρόπῳ ait Homerus:

πόλων ἀνθεπώντων δέντες νεκρούς εγγειούσι.

Tandem etiam multis perfunctus peregrinationibus, hanc quoque prouinciam Liuonicam, in primis verò tuam hanc patriam visitauit. Equestris etiam ordinis hominibus intimè familiariterque innotuit. Cum autem, quod modò innui, siue dixi potius, ingenio polleret, multarumq; rerū noticiam sibi comparasset, & se potissimum in politiori litteratura præcipuisq; linguis exercuisse, omnes illum qui cum fuerunt docti viri, cum in tota Liuonia, cum verò maximè in hac celebri Rep., mirificè amârunt.

Quin ergo effecit postea istis suis insignibus virtutibus cùm iam ingenuam pudicissimamq; virginem Elisabetham Fegesack Revalensem, in uxorem duxisset, vt ab Amplissimo Senatu à Reip. suæ secretis esse decerneretur.

Hic autem quam fidem suis dominis in rebus præclaris agendis præstiterit, & qua sibi commissa negotia sedulitate, qua industria, qua felicitate, quaq; constantia perfecerit, id saepe alias videre fuit, tum verò potissimum, quando ciuitas hæc nonnullorum con-

spira-

spiratione laborabat. Idem enim semper mansit, & propterea etiam sopitis omnibus & saluis redditis, in senatorium ordinem relatus fuit. Sed quod nec hic sui dissimilis unquam esset, prætoria dignitate affectus, eam summa cum laude gessit.

Verùm ne luspcionem assentationis incurram (quāquam vera dicere, assentari non est) hæc abrumpo. Dixi verò quæ à bonis viris & fide dignis accepi. Ipse autem, quoad hic vixi, hanc præclaram in hoc viro virtutem animaduerti, quod omnium sit tolerans, gravis verò nemini solidè etiam doctis amicus. Me quidem amat & ornare non dubitat: Et hinc tuus in me amor: de filiorum quoque eius, Affinium tuorum aduersus me benevolentia omnino mihi persuadeo. Quod si à maiore ei iam natu dñ. Ottone intellexero, faciam ut huius illum non pœniteat.

Porrò, vti non sine singulari Dei prouidentia & consilio euenit, illorum liberos, qui ipsi à nobilibus honestisq; parentibus suscepti sunt, cum sui similibus coniungi & copulari: Ita certè Deus diligenter curat & studiosè disponit, vt illorum quoq; filij filięq; qui de patria bené mereri student, & se virtuti addixerunt, matrimonia contrahant.

De loceri tui familia & ipso & eius virtutibus pauca quædam iam antè dixi: de tuo patre & vestra familia agam etiam, sed brevibus. Nec enim, quod in li-

mine dixeram, parætesin scribo, nec possum etiam :
sed hac gratulatione de nuptiis tibi gratificari studeo,
vt eam quam ex illis læticiam animo concepi, hac epi-
stola testatam tibi faciam.

Nemini non de Aui tui dexteritate constat, qui cum
ex ingenua honestaq; familia Rigemænorum & Her-
mañorum Rostochio primam originem duxisset, ita
sese vbiq; gessit, talemq; se præbuit, vt apud seram jam
posteriorate in benè adhuc audiat. Is auus tuus Palma
Rigemannus, reuerà palma, cuius primarius exultens,
bonis omnibus in oculis fuit: D e s etiam, quem il-
le summum suum bonum & summam ^{et v dæ, u ovi, a} credebat,
hunc adeò ornauit, vt multis ille liberis au-
etus, multis jam annis Palma palmarium in ijs repe-
rerit.

Namq; quis Henricus Rigemannus filius eius, pa-
truus tuus, fuerit, id multi adhuc sciunt. Ille enim, vt
ex omnibus vnum eligam, in iuris ciuilis scientia et-
iam palmam reportauit: Licentiam quippe in ea præ-
clara sua eruditione & virtute: & postea etiam in hac
inclyta Rep: consulatum est assecutus & præturam;
Qué proptere à generosus dominus, Dauid Hilchen,
lumen huius prouinciae & in Germania docti simo-
rum virorum amor, in publico scripto ob singulares
etiam ingenij dotes, & in causarum intricatis peiple-
xisque quæstionibus explicandis, felicitatem, egregiè
lau-

laudat. Vita igitur ille sua defunctus est quidem, sed
laude minimè. Quin palma eius subinde efflorescit.

Quiq; quoq; Theodorus Rigemænus patruus item
tuus, fuerit, id in filio eius Dñ. Theodoro Rigeman-
no appetet. Hic enim non tam successione patris,
quam propria virtute, cùm vix coniugium iniijsser,
ad senatoriam dignitatem electus fuit.

Pater tuus cum diu populo Rigeni cum laude præ-
fuisset, præcipuis viris ob industriam & animi sui con-
stantiam ita charus fuit, vt eum non indignum illi
judicauerint, qui in senatorum numerum legeretur:
Sed quòd istas tumultus turbas videre non potuit,
immatura morte præuentus fuit. Nec tamen, quam
illis spem fecerat, omnino fefellit. Namque te filium
sui similem, vel etiam, à quo maiora sperare possint,
reliquit,

Etsi enim te puerò diem suum piè objit: Tu ta-
men siue propter indolis præstantiam solam, siue pro-
pter sedulam quoq; honestissimæ matris tuæ curam
& animaduersiōnem, siue quòd pater in Agone id
jussisset, à præceptoribus tuis diligenter fuisti educa-
tus literis. Eorum etiam vocem parentum & D e i
(ita enim ex tuis intellexi: nec etiam aliter esse & ip-
se confiteris & aliij tecum boni viri) existimabas, disce-
bas, quæ illi discenda censebant, faciebas, quæ ipsi mo-
nebant, fugiebas, quæ fugienda dicebant.

Positis vero virtutis & litterarum rudimentis in patria, ad exterias nationes consilio parentum & amicorum, ut eorum fundamenta jaceres, excurristi. In Germaniae Academijs cum doctis viris fuisti versatus & eos diligenter audiuisti: hinc in Italiam perrexiisti & monumenta veterum Oratorum & Poëtarum vidisti. Vidisti, ut pleraque omnia taceam, Tulliani ruderam, ruderam item & campos ubi Troia fuit, vidisti egregias ciuitates, Mediolanum, Venetias, Paravium, Bononiam, Florentiam, Romam ipsam, Neapolim etiam, nec non Cumas in Lucania, Brundusium in Calabria affini Hispaniaz. Nec tamen, ubi ubi fuisti, te seduci passus es, sed religionis, in qua te educabant parentes & præceptores, obseruantissimus mansisti, castitatis & sobrietatis etiam amantissimus.

Quin tantum inde reportasti, ut bonos scriptores & rectius iutelligas, & commodius feliciusque imiteris. Nec enim nihil juuat vidisse loca, ubi illi fuerunt & quæ descripsérunt. Scio illud, si vel in Volaterrano, vel in Mela, vel in Solino legam, quantum mihi lucis ad Ciceronem, ad Livium, ad Casarem, Virgilium, Horatium, Plautum intelligendum Geographi isti adferant. Multò verò magis, si & loca ista adeam, de quibus scripsérunt, & ipse ea coram intuear, id mihi fit verisimile.

Nec puto quenquam mortalium tam iniquū fore,

qui tibi istud honestum iter & vtile, libero cum primis & ingenuo juueni, vitio daturus sit. Nec hisce jam diutius inhærebo, cum adhuc restet in tua familia, ut matris tuæ patrem Vincentium Glandorpium attingam saltem. Non enim Epistola patitur, ut ea quæ de hoc viro aliâs dicenda essent: nec id tamen hic incommodè fieret, fusius explicem. Is vero in Tribunatu suo & AEdilitate, quæ summa in hominem cadit virtus, pro sua erga verbi DEI doctores benevolentia perpetuo beneficio illos sibi deuinxit: pauperiorum etiam literatum bonarum cultorum studia fulcire voluit: Id quod vtrinq; laudari & magnificari non dubito.

Dixi hactenus non quantum volui nec quantum debui, nec etiam ut debui, sed quantum & vti potui. Tu id velim boni consulas: quod ipsum quoque non ambigo tuum socerum facturum esse. Candidi & docti viri, quibus libenter placeo & quos mihi omnibus officijs deuincire cupio, si quæ alicubi vel secus quam res postulat, vel ita non concinnè posui, me sibi facilè excusabunt: modestiam verò & virtutis studium nemo hominum in me desiderabit. Aliter autem me non decet, qui doctrinæ nomen dedi & in ea à præstantissimo doctissimoque viro dñ. D. Ioanne Caselio totius Germaniae purissimo sydere, multis anis, & ut solet, diligentissime sum institutus & confirmatus.

Su-

Supereft ut voto hanc epistolam concludam. Vt
ue igitur sponse prosperè & feliciter cum ista tua
sponla, quam Devs tibi, nō homo, nec Angelus amo-
re coniugali adjunxit. Sit illa Venus tua itans in te-
studine, sit vritis abundans, vt regius Propheta inquit,
in lateribus domus tuæ, procreans ex sele filios, sicut
oliuarum ramos, quibus repleatur mensa tua. Sit
vtrique vna mens, vnuis animus, perpetua fides, indis-
solubilis & verus amor in prosperis simul & aduersis.
Absit discordia, facessat simulatio, valeat amarulen-
tia. Fiet tum demum vobis perspicuè palam, con-
iugium istiusmodi Ecclesię Christi & alterius in cœ-
lesti illa vita consuetudinis qualem cunq; imaginem
repræsentare. Vale. Ex Musæo meo xv. Kal. Iulij.

Anno M. D. IC.

T. O. M. Rabanus Christiani.

ANAGRAMMATISMI

EX

Sponsorum nominibus:

VINCENTIVS RIGEMANNVS,
ELISABETHA CANNE

TVNE VINCIS, AN MINVS? EN NEGAT, BIS CÆLARE.

T' V' N' E, Vincenti Rigemannne, V' INC' S
AN MIN' VS sponsam? Rigemannne sponsam
Vince: Vincentis tueare, quo&so,
Nobile nomen.

Si

Si Venus nōrit, jaculisq; pernix
Si Puer, magnum male te stetisse
Militem castris, quibus in merere
Suscipis virō:
Tum volens indet miserumne Victi?
Nā volens nolens tibi nomen indet
Fāminā Victi. NEGAT EN BIS ipsa,
Quicquid amorum
Sentiat, CÆLARE: semel proinde,
Et semel sponsam, semel ē, videbis
Ut semel vincas iterum, triumphum
Victor habebis.

A L I V D.

VINCENTI, Iuuenum politiorum,
Huc ades decus eminens, parentum
Huc ades decus, hic amor tuorum
Ades, te mihi quo&so da Phaleucis.
Mecum, quo&so, fatere, quod fatentur,
Quos Clio facilis sui vigoris
Viros Pegasei fluente fontis
Succo pectoribus rigauit imis:
Mecum, quo&so, fatere, quod fateri
Ipse non dubitas, fatere mecum:
Esse te satis ē satis beatum.
Namq; quem mediocritate rerum

C

For-

Fortunæ sinit vsgz & vfgz donis
Frui perpetuo tenore IOVA,
Nec malignæ agitatur huc & illuc
Sortis arbitrio modò huc & illuc,
Quis non prædicet hunc virum beatum?

Deinde qui nitidam Beatitatis
Virtutis cupit ire non molesto
Ad domum pede semitâ, nitentem
Thesauris sapientia politis,
Et rimatur iter suum diserti
Augustos ad Apollinis recessus,
Ad suaves Heliconidum susurros,
Et iustum Themidis DEAE sacellum,
Quis non prædicet hunc virum beatum?

Qui verò & facie domum puellam
Formosâ satis, & satis modestis
Dicit moribus, & DEI timentem;
Arcto amplexu hedera tenaciore
Istam istam sibi copulat puellam,
Quis non prædicet hunc virum beatum?

Verùm quem numerosa liberorum
Beat legitimi thori caterua:
Surgentesq; simul domos videre,
Et spectare tribus, tribus honeste
Florentis jobolis cui licebit,
Quis non prædicet hunc virum beatum?
His te nominibus fatemur omnes

Beatum satis, hoc & hic & ille
Nobiscum meritò fatentur, idem
Mecum, queso, fatere: quid fateri
Amplius dubitas? fateris. Ergò
Quis non dictitet esse te beatum?
Tantum nunc precor ultimum, quod ipse
Curabis, sacerdotum tuum beare.
Ut possis tenerâ thori feracis
Prole, at pacifici thori, quotannis,
Ut vir optimus, optimisq; charus,
Et doctis, bene doctus ipse, amicus,
Hic tua capiat beatitatis
Nonnullam sacer ipse portionem.
Et vos lumine protegat secundo
Calestis Pater autor & patronus
Sancti coniugij, sinatq; multos
Vitæ stamina protrahatis eni
In annos: etiam beatioris
Hæredes velit, omnibus paratae,
Vos sitis patriæ. Quis ausit unquam
Vos negare satis superq; saluos?

Caspar Drelingus Mel. F.

EPIGRAMMA
Ad Affinem suum Dominum VINCEN-
TIVM RIGEMANNVM sponsum.

ET tibi, quod Pindi labrum nouus accola montis
Proluo Pegased' mentis & oris aqua:

C:

E:

Et tibi, ceu frater, sapientum templo serena
Edita doctrinæ quem coluisse juuat :
Sed cui? VINCENTI tibi VICTO gratulor ecce
VINCENTIS sponsæ prorsus amore tuæ.
Et quia non Ficto, gaudet sibi Cypria, gaudet
Ipse Cupido tenens feruida tela manu.
Quare, sponsæ, vides quām nōn tibi nomen Ē'omen
Conueniant: sponsa at nomen Ē'omen habet.
Non ergò VINCENTIS habes tibi nobile nomen,
Sed VICTI sponsæ prorsus amore tuæ.
Verum istud non inuideo tibi nobile nomen,
Nec Puer Idalius, nec quoq; diua Venus.
Quid faciam, quaris? paucis tibi suaserò: vota
Soluas his, faciles tum tibi reddideris:
Teq; Patri generum, socerum tibi redditio Patrem,
Affinem nobis fratribus efficio.
Sed Gener ac Affinis eris, VINCENTIS Ē'omen
Et nomen tuleris nobile, sponsæ, tuum,
Et VICTÆ nomen sponsæ dederimus: amantis
Si tu Patris eris nomen adeptus: Ani
Si noster Pater, Ē' si chari Frater Annunculi,
Atq; tibi sponsam tum Cytherea dabit.

Mauritius Canne.

LXXX
LXXX